

職原抄大全 七

諸衛

左右近衛  
左右兵衛  
左右衛門  
左右馬寮

兵庫

鎮守府  
征夷使

外武

親王  
公卿  
諸王  
公達

一人

諸大夫侍

諸臣

73  
6595  
8



713  
6595  
8

職原抄引事大全卷之七

後學植木悅集註

諸衛

左右近衛府

當唐羽林 又云親衛

○職負令曰左兵衛府督一人掌檢校兵衛分  
配閤門以時巡檢車賀出入分衛前後及左右  
兵衛名帳門籍事佐一人大尉一人少尉一人  
大志一人少志一人醫師一人番長四人兵衛  
四百人使部三十人右兵衛准之○愚曰昔無近  
衛之官左右兵衛則今近衛之任也中古置中  
衛或為授力衛此時有大將中將以下各天平  
神護以授力衛為近衛府而未左右至大同



職原抄引事大全卷之七

昭和元年  
三月廿四日  
十日野表  
右田氏所  
書

年改爲左右唐羽林前漢書曰羽林掌送從次  
近衛下詳之名期門武帝太初元年初置名曰  
建章營騎後更名羽林騎羽林之名始出于此  
○親衛按漢有衛將軍魏未晉文王又置中衛  
武帝受禪分中衛爲左右衛唐有親衛府武德  
貞觀世重資蔭三品三品子補親衛

元者近衛中衛也 平城天皇御宇大同二年勅

以近衛爲左近衛以中衛爲右近衛唐朝殊重此

職統領諸宿衛禁軍故也本朝又爲重任

○元者近衛中衛者職負令曰左右兵衛府督  
佐尉志者則今近衛任也天平十四年以藤原  
朝臣豐成至從五位中務卿兼中衛大將置始  
中衛年未詳其後又改爲授力衛天平神護元  
年二月改授力衛爲近衛府其官負大將一人  
爲正三位官中將一人爲從四下官少將一人

爲正五位下官將監四人爲從六位上官將監  
四人爲從七下官此時未左右大同二年爲左  
右近衛府也○六府事按養老比無近衛官只  
有五府也曰衛門府無左右左右衛士府左右  
兵衛府曰之五府此時衛門守宮門也與今衛  
門職同也兵衛守閣門也是與今近衛同職也  
衛士府守正門傍小門也弘仁二年改衛士府  
隸衛門府更置近衛府守閣門又以兵衛府守  
衛門近衛中間之門○唐朝例者悅按唐宿衛  
有五府親衛府一勳衛府二翊衛府二謂之五  
府各有中即將一人左右即將一人親衛勳衛  
翊衛總四千九百六十三人也每月番上者數  
千人宿衛內廡及城門內廡者禁中殿前簷也  
親衛二品三品子補之重職可知也本朝近衛  
延喜式所載其任重凡大儀謂元日即位及  
番國使表大將裝束著武禮冠淺紫襖錦襪  
將軍帶鎧以金銀金裝橫刀靴策著幟文中將  
武禮冠深緋襖錦襪將軍帶金裝橫刀靴策

著幟艾。少將武禮冠淺緋襖。錦柄襖將軍帶金裝。橫刀靴策著幟。又將監將曹並皂綵深綠襖。錦柄襖。白布帶橫刀弓箭緋脰巾。麻鞋。府生近衛並皂綵深綠襖。桂甲。白布帶橫刀弓箭白布脰巾。麻鞋。注。供奉御輿。少將皂綵挂甲帶弓箭。近衛加裝。未額中。將率將監以下。隊於大極殿。南階下。太。少將率將監以下。隊於中務陣。以北龍像。蠶幡。一流。鷹像隊。幡四。旒小幡四。十二旒。鈺鼓各一面。將監率將曹以下。隊於大極殿。以北後殿。南並。居胡。束其供奉。駕陣。駕御後殿。即就本隊。禮畢。駕還。供奉如初。○愚白。凡諸衛之中。衛門。衛。建春門。宜秋門。是禁中。外門。東西也。其內。宜陽門。陰明門。是兵衛陣也。近衛陣。著東青瑣門。內。西。月華門。內也。故訓智加幾。萬茂利。是於禁中。常番所也。今延喜式。所謂大儀。日行幸者。八省院行幸。供奉也。此時近衛陣。大極殿前。是則閣內之陣也。

### 大將

相當從三位 唐名羽林大將軍  
常云幕府 又云幕下 又云大樹  
忽以將軍之稱也

○神護元年置近衛府。時大將正三位也。其後大同年改左右近衛大將正四位上也。令義解首書曰。天平寶字五年二月一日。勅改爲從三位。官愚白。大同者寶字之後年号也。然寶字之。年改正三位。爲從三位。大同年改從三位。爲正四位上。乎。今此書爲大將。相當從三位。後代改之者。唐羽林大將軍。唐書曰。左右羽林大將軍。各一人。正三品。將軍各三人。從三品。掌統北衙禁兵。督攝左右廂。飛騎儀仗。大朝會。則周衛階陛。巡幸。則夾馳道。爲內伏。凡飛騎番上者。配其職。有勅上南衙者。大將軍兼墨勅。白。移於金吾。引駕伏官。與監門。秦覆。降墨勅。而後乃得入。云。○幕府。前漢書第五十四曰。莫府省。文書注。晉灼曰。將軍職在征行。无常處。所在爲治。故言莫府也。莫大也。或曰。衛青征匈奴。絕大莫。

大克獲帝就拜大將軍於幕中府故曰莫府莫  
府之名始於此也師古曰二說皆非也莫府者  
以軍幕為義古字通單用耳軍旅無常居止故  
以帳幕言之廉頗李牧市租皆入莫府此則非  
因衛青始有其号又莫訓大於義非矣愚浚曰  
師古說善莫府名出于此今改為幕府○幕下  
其儀同幕府○大樹後漢書馮異字公孫潁川  
父城人好讀書通左氏春秋孫子兵法漢兵起  
以郡掾守父城光武為司隸道經父城即開門  
迎光武署為主簿及王郎起光武自薊東南馳  
至饒陽無萋亭天寒眾飢疲異上豆粥明且光武  
曰昨得公孫豆粥飢寒俱解及至南宮遇大風  
雨光武入道傍舍燎衣與進麥飯免肩因渡虜  
沱河還拜偏將軍為人謙退不伐行與諸將相  
逢輒引車避道進止皆有表識軍中号為整齊  
每所止舍諸將並座論功異常獨屏樹上軍中  
号曰大樹將軍及破邯鄲乃更部分諸將各有  
配隸軍士皆言願屬大樹將軍光武以此多之

後封陽夏侯拜征西將軍賜珍寶衣服錢帛詔  
曰舍卒無萋亭豆粥滹沱川麥飯厚意久不報  
異誓首謝大樹之名始于此也○幕府幕下是  
杜詩又幕職官

非譜第之華族者更不任之多是大納言中譜第  
上薦任之於執柄息者超次第所任也又多被任  
左也至大臣帶之為規模又中納言任之於凡人  
者弥為眉目參議時任之例後二條關白師通公  
也非參議人任例氏宗公也近代不可有此比量  
者歟又任大將入其職掌大略同大臣只守位  
著座許也其外内外作法不混餘人者也

非參議人任例氏宗  
公也十字旧不所無  
日本職掌作俊字  
按氏宗中納言寸  
右大將ヲ兼々ハ此例  
ニ当ラス非三義ノ大  
將ハ官職秘抄ニ載

橋氏公是也公少神  
任曰提朝臣氏公天長  
十年三月七日從三位  
三月廿日右近大將依  
帝外舅也六月廿八日  
三茂大將如元承和五  
年三月十日任中納言  
大將如元八年十月廿  
正三位九年三月四日大  
納言大將如元七月十日  
停大將十年七月二日  
右大臣十二年三月七日  
送二位十四年十月十九日  
亮六十九才贈從二位  
并手右大臣秦良元之  
孫清友之子姊差我  
帝之后相林皇后

○百寮云執柄三家人人執之多大納言兼官  
也大臣又帶之中納言大將稱事也○參議時  
任例藤冬嗣左大將巨勢野足右大將文屋  
丸藤原師通同吉野也又參議藤原房前天平  
二年二月任大將參議藤原豐成天平十二年正  
月任大將以上二人者中衛大將也大納言藤  
原魚名寶龜四年月日任近衛大將中納言藤  
原內麻呂大同二年四月廿二日為左近衛大  
將從三位元近衛大將中納言坂上田村九  
同二年四月二十三日為右近衛大將元中衛大  
將○非參議任例清宗元日氏宗公之外無其  
例非參議者謂散三位愚曰非參議謂散參位  
者三位以上之人無官職者都曰非參議但前  
宰相者雖四位又是非參議之列也大宰大  
貳篇所謂非參議四位是也於凡人者名家  
中納言也但三家以上任大將故以名家曰凡  
人也守位次者大將職同大臣而其位劣大臣  
故著大臣次座是曰守位次也師通者冬嗣十

代孫也父曰師真關白正二位左大將師通  
後二條殿又曰京極康和元六月薨年卅八氏  
宗公者房前嫡子曰鳥養自鳥養三代中納言  
葛野九其子氏宗也仁明時人

### 中將

權中將相當從四位下  
唐名羽林中郎將 親衛中郎將  
或曰虎賁郎將

○華菴曰中將謂之出居侍從或次侍從皆昇  
殿也延喜式中將凡出居侍從十二人聽昇殿  
凡出居侍從雖非御膳時而御紫宸殿即聽昇  
殿凡次侍從四位以上聽昇殿其五位新叙四  
位者侍宜陽殿殿上侍臣候進止召之一昇殿  
後則得直昇○令義解曰中將從四位上左右  
近衛中將大同三年置之位階相及○愚曰中  
將本武官而又近習官也侍從負數八人也公  
用以不足資故中將稱次侍從出居侍從召  
近習令達其公用  
唐羽林中郎將按唐制因時  
見于中務之下  
雖不定之大畧有十二衛

將軍其一曰左右衛上將軍大將軍將軍錄事參軍事倉庫參軍事兵曹參軍事騎曹參軍事曹曹參軍事奉車都尉親衛府一勳衛之府二親衛之府三以上五府每府中郎將一人左右郎將一人親衛勳衛親衛兵曹參軍事校尉等

**紀曰五府左右衛屬也**其二曰左右驍衛上將軍大將皆各一人也此已下同將軍二人皆同但左右衛者掌一切內外諸衛事驍衛掌守諸門宮城內外也長史錄事參軍事倉曹兵曹騎曹曹曹參軍事司階中候等左右中郎將府中郎將一人左右郎將兵曹參軍事校尉旅師隊正副隊正錄事

**私曰中郎將府驍衛屬也**其三曰左右武衛上將軍大將軍將軍以下官同左右衛左右武衛中郎將府官同驍衛其四曰左右威衛上將軍大將軍將軍以下官同左右驍衛左右中郎將府官同驍衛守皇城東面其五曰左右領軍衛上大將軍同驍衛守皇城西面左右中郎將府官同驍衛其六

曰左右金吾衛將軍以下同驍衛掌京城巡警烽候道路水草之宜左右中郎將府官同上同其七曰左右監門衛將軍上同掌諸門禁衛左右中郎將府官同上其八曰左右千牛衛將軍上同掌御仗之物左右中郎將府官同上其九曰左右羽林大將軍各一人正三品將軍各三人從三品職掌上記長史各一人錄事倉曹騎曹兵曹曹曹五參軍事司階中候司戈執戟長上左右翊衛中郎將府中郎將一人正四品下左右中郎將一人左右郎將一人皆正五品上兵曹參軍事一人正九品上校尉五人旅師十人隊正二十人副隊正二十人錄事一人史二人亭長二人掌固四人又曰中將唐名李羽林翊中郎將也其十一曰左右龍武軍大將軍統軍將軍掌同羽林此以下元翊中郎將府其十二左右神武軍官同龍武其十三神策軍將軍一左右神武軍官同龍武其十四神策軍將軍以下同龍武愚以之知羽林將軍屬官有翊中郎將則此中將任也故曰羽林中郎將親衛

中郎將唐書曰親衛府中郎將一人正四品下  
左右郎一人正五品上親衛正七品上兵曹參  
軍事各一人正九品上校尉各五人正六品上  
錄事一人府一人史二人唐親衛勳衛置驃騎  
將軍車騎將軍中郎將車騎將軍皆為郎將分左  
右以親衛曰一府勳衛曰二府謂之三府  
衛○虎賁郎將周禮注虎賁主以虎士而衛中  
者宿衛王宮之士虓猛如虎疾走如賁故謂之  
虎賁設官主之王出而以虎士趨于前後以衛  
王也前漢書曰期門掌執兵送從武帝建元三  
年初置比郎無賁多至千人有僕射秩比千石  
平帝元始元年更名虎賁置中郎將秩二千石  
後漢書注蔡質漢儀曰主虎賁千五百人无常  
賁多至千人戴鷩冠次右將府又虎賁舊作虎  
奔言如虎之奔也王莽以古有勇士孟賁故名  
焉孔安國曰君虎賁獸言其甚猛虎賁氏周官  
也

曰本極也作極歟

華族四位任之執柄息若一世二世源氏中納言  
時兼之况以兼之實朝公是也非常之極也清  
之人參議時兼之中絕家兼帶為無念之儀也二  
位三位中將非大臣子若孫者不任之至二位中  
將者執柄息外希例也五位時任之執柄息外不  
可然云英雄大臣息任之近代事也非大臣子孫  
任之隆房卿等是也其外強雖非英雄重代拜任  
家有之

○一世二世源氏者親王子若孫也凡人三家  
之外指名家諸大夫也萃菴曰以實朝謂凡人



又謂中絕家皆以親房之偏意乎親房者中院  
之流故以清華為貴以餘流為賤此過乎假令  
雖攝家清華流叙五位則諸大夫也又雖名家  
諸大夫其人任將相則清華也近代將軍家行  
幸時一條二條烏丸各皆大納言也光廣位階  
上藤也故守位次著一條二條上也是何有隔  
清華名家哉只位階次第也又實朝者清和天  
皇後而大納言大將征夷將軍之子也實朝中  
納言時兼中將事不可謂非常也但又數代任  
大臣之家亦可貴常事也東鑑曰美元三年五  
月廿六日將軍家更令任右中將給建曆二年  
十二月十一日將軍實朝叙從二位建保四年  
六月廿日令任中納言○中絕家其始祖貴官  
而中古降卑官今又至高官曰之中絕家謂實  
朝也○隆房卿自四條祖魚名十三代也父權  
大納言隆季母從三位忠隆女也隆房者平相  
國清盛孫也○今世差法者執柄之子孫任中  
將而後任參議也又在二位中將者直至中納

言也又名家諸大夫者經辨官而至參議也故  
不經中將也執柄清華不經辨官而在中將也  
○二位中將堀川左大臣俊房中納言中將花  
園左大臣高明仁壽元年十二月五日中納言  
良相兼中將參議中將清原夏野  
少將 權少將 相當正五位下  
唐名羽林次將 親衛即將  
○令義解曰左右近衛少將從五位下大同二  
年置唐羽林次將後漢書羽林中郎將下羽林  
之儀謂次將乎○親衛即將唐武德七年改驃騎  
將軍為親衛中郎將車騎將軍皆為郎將分左右  
五位殿上人中為譜第公達者任之叙四位時去  
職但叙留者是殊恩也近代每人叙留又四位後  
拜任又常事也三位少將者執柄息常被任之又

日本職上有其字

藏人頭時為少將是古例也又辨官兼之公達中  
有才各人事也近代殊執之少納言兼任又希例  
也

○叙位官如元日叙留也五位而令昇殿人曰  
五位殿上人又節會天子御紫宸殿時少將以  
上參居胡床敷虎皮

### 將監

唐名親衛校尉

○令義解曰左右近衛將監令外置之相當從  
六位上○延喜式曰凡五月五日五位以上競  
馬將監就標下記勝負凡正月十八日贈射射  
手官人近衛惣十人必備將監當日錄交名奏  
聞凡騎射人於本府馬場教習其歷名移兵部  
前節一日同移馬寮又前節七日車駕幸射殿  
試閱御馬訖將監已下惣二十人便供騎射當

衛判官一人立殿庭奏射手姓名五日質明各  
就馬寮騎馬陣列共進馬場官人二人着皂綾  
緋布衫金畫綃甲形金畫布胃形白布帶橫刀  
弓箭行騰麻鞋近衛四十人皂綾緋六纓布衫  
細布甲形銀畫布胃形白布帶橫刀弓箭行騰  
麻鞋凡行幸者將監一人升自西階受取御劍  
供奉即率近衛二人護之亦令近衛二人護卯  
鈴○將監者乘馬帶弓箭行幸時持御劍職也  
惣而近衛兵衛衛門者門路警固之役也武官  
也五月五日飾甲冑事則諸衛之禮也今世門  
戶飾甲冑習之也昔此府有弓馬試近衛以下  
白丁以上三四十人撰之立一尺五寸的自馬  
上其間三十間計而射之十箭皆中者為及第  
步射四十六步而十箭中的四已上者為及第  
但一步六尺也又右近馬場左近馬場則當府  
有之唐親衛校尉後漢屯騎校尉則近衛之任  
故也唐書親衛校尉五人正六品上

六位諸大夫任之五位時叙留隨分執之無人樂人等任之即又叙留定事也然而諸大夫者執之是各守故實故也六位侍任之或執之或不執之凡者不打任事也於叙留者更無其例

○舞人樂人任之者任將監也即又叙留者叙五位時留將監也守故實者諸大夫任將監者有令昇殿例也又舞人樂人等任將監則无昇殿例故諸大夫執之者也○舞人樂人官位令日歌師舞師樂師皆從八位上官也不打任者不卑之意也

將曹

相當從七位下 唐名親衛錄事

舞人樂人近衛舍人等任之

○萃菴曰近衛舍人事凡白丁者諸官之初也撰有白丁之器量者為近衛也撰近衛之中為舍人也撰舍人中為番長凡親王之子諸王諸王子孫代代無器量才能則至八世為白丁者也其外諸臣准之可知若至白丁或至舍人者皆賢良則次第昇進顯先祖名至大中納言此古例也藤長良自內舍人至大納言此類多將曹府生番長皆曰之隨身又有帳內資人職分資人位分資人皆舍人之類也○唐名上記府生 唐名衛史

同前 大將判授之

○大將撰其器任府生曰之判任不及奉聞事也府生者供奉官又記錄近衛府事官也○衛史唐制親衛府之下史二人則此任也○判授者非也可作判任

番長十五

近衛舍人中撰用之

○清三位宗允曰，李義隨身任之，他人不任之。近衛隨身之上，舊曰番長。秦氏下，毛野氏等於今代為隨身也。著褐衣，冠或狩衣，著花，因時不同。舍人之名始出，雄畧天皇時也。

上皇執政若給兵杖大臣及左右大將必召仕之大納言大將不召仕府生大臣大將以上召加府

生也

○上皇或曰太上天皇，或曰仙洞，曰仙院，皆辭天子位之君也。執政者攝政關白也。給兵杖者帶橫刀，帶弓箭，曰兵仗。凡上皇大臣等不帶太刀，故為路頭警固，給隨身也。曰之給兵仗也。

旧本无外衛二字

外衛五

○弘安禮節曰，僮僕負數事，太上天皇隨身十四人，將曹二人，府生二人，番長二人，以上騎馬近衛八人，步近代六人，可尋攝政關白十人，府生二人，長二人，已上騎馬近衛六人，大將大臣八人，納言參議六人，中將四人，少將二人，諸衛督四人，佐二人。○太上天皇異朝，例秦始皇追尊父莊襄王為太上天皇，此始也。漢高祖六年，尊父太公為太上天皇，是現在之始也。漢本紀注曰：太上天皇也。皇者德大於帝，故尊其父，另太上天皇也。

左右衛門府

唐名金吾

又云監門

元者衛士府

嵯峨天皇御宇弘仁二年十一月改云衛門府

職原少

職原少

職原少

十一

同元者下有云字

○按職原令有衛門府衛士府兵衛府此時兵衛府則今近衛之任也大同二年置左右近衛府弘仁二年又改衛士府曰左右衛門府也衛門府者此禁外門奉行也東邊春門左衛門陣西宜秋門右衛門陣也○令義解曰弘仁二年十一月廿八日改左右衛士府為左右衛門府云○愚曰衛門府下衛士三百二十人門部等者有之凡宮城諸門皆衛門府所知也諸門開者門部役之其官門者禁中外掩門皆黃昏之後炬火衛士役之○花鳥餘情曰左右衛門曰鞞唐金吾漢書曰秦曰中尉武帝太初元年改名執金吾掌徼循京師後漢執金吾秩二千石掌官外戒司非常水火之事月三繞行宮外及主兵器唐書金吾下詳○監門舊唐志曰漢魏曰城門校尉隋初有左右監門將軍唐龍朔二年改府為衛

督一人

相當從四位下  
唐名金吾將軍

○令義解曰左右衛門督相當改為從四位下○凡元日即位蕃國使來時衛門府裝束儀式大畧如近衛府儀式詳延喜式畧之但此時禁中南有八省院八省院正殿曰大極殿元日即位等一切時皆幸此殿此時衛門陣會昌門外八省院外門南正面曰應天門其內門曰會昌門也又近衛陣大極殿前庭兵衛陣近衛陣外衛門陣內八省院唐書曰左右金吾衛上將軍圖見于首卷唐軍各一人大將軍各一人將軍各二人掌官中京城警烽候道路水草之宜後漢書曰金吾吾猶禦也應劭曰執金吾以禦非常云

左衛門督者為中納言參議之人兼任之近代無非參議任之例但源賴家朝臣任四府之中殊執

之

注文十四字日本大書

右衛門督者雖非參議任之但近代無非參議四

位任之例

○非參議四位者前參議也只謂非參議則公卿薛官也四位參議也。賴家任左衛門督事所謂東鑑曰正治元年二月征夷大將軍從二位行左衛門督源朝臣賴家于時左中將也然則任左衛門督儀明也四府者左右兵衛左右衛門也四府中以左衛門為重○右衛門督者其任少下故雖非參議任之非參議四位者參議相當四位辭其官則非參議四位也○萃菴曰四府者和訓不讀右字是故實也右兵衛讀兵衛右衛門讀衛門也

佐一人

相當從五位上 唐名金吾次將

五位殿上人中任之

○令義解衛士佐從五位下也左右衛門佐又如此其後延喜十八年改為從五位上自格至憲與衛士府相對則今衛門府皆一階高也  
唐金吾次將金吾之事上記六府共有次將近衛少將次中將行事故曰次將衛門兵衛佐次督行其事故號次將乎今准唐朝者可為監門中郎將金吾中郎將也

權佐一人

名家譜第擇其人任之必蒙使 宣旨又必可

補藏人故也

○使宣旨者補換非違使佐儀也藏人者五位藏人也

尉

大相當從六位上 唐名金吾校尉 少相當正七位上

○宗尤曰太即左衛門尉二即左衛門尉三即

右衛門尉三郎左衛門尉等署之時二郎太即等不書出也勘解由左衛門又兩官相續不書之只可書左衛門尉也平內左衛門又同前又官內彈正治部刑部左衛門官內右衛門等專可用左衛門尉也不書兼官是書位署之法也

**唐**金吾校尉後漢有城門校尉當今衛門督也

**唐**有監門校尉今衛門尉之任也二漢共有金吾丞則此任也

顯官也仍六位諸大夫并侍尤可擇其仁也近代不及是非沙汰可謂無念其中蒙使宣旨者

至于今為異他之儀又五位後叙留檢非違使之外未聞其例

○顯官事上記凡顯官者撰其才近代無器量譜第撰任之故曰無念也不念故實者曰無念

此尉中補檢非違使尉者為規模也又五位之後叙留者尉相當六位也至五位則去尉例也其蒙使宣旨人者雖叙五位不去尉也

**志** 大小 唐名金吾錄事

**府生** 唐名金吾衛史 或監門衛史 見檢非違使篇

**唐**金吾錄事唐錄事參軍事之任也又衛史者唐書金吾下曰史二人者此任也

○志者明法道輩六位時任衛門志即補廷尉志也此府生下有番長衛士門部等者門部者宮城所前門番者也可有數百人也門部之長日番長又衛士者自諸國參向則給兵仗戎具隨身役之交代之日不收兵仗或具持參而飯國也又佐尉志府生者檢校在京非違也但親房時番長衛士門部等罷之乎延喜以上皆有之

**左右兵衛府** 唐名武衛

唐書兵衛志

督一人

相當從四位下  
唐名武衛大將軍

○職負令曰左右兵衛府督一人掌檢校兵衛  
分配閣門以時巡檢專駕出入分衛前後及左  
兵衛各帳門籍事佐一人大尉一人少尉一人  
大志一人少志一人醫師一人番長四人兵衛  
四百人使部三十人直下二人○官位令左右  
兵衛督從五位延曆十八年改為從四位下○  
衛門兵衛督佐大儀之日帶金裝橫刀也尉志  
帶太刀弓箭也大唐武衛大將軍後漢末曹公  
畧裝束如近衛各為丞相有武衛營魏文帝置  
武衛將軍續事始曰魏許褚從太祖破馬超遷  
武衛中郎將武衛之号自褚始也唐書曰武衛  
上將軍各一人大將軍各一人將軍各二人  
○愚曰職負令之時無近衛府官故兵衛之職  
專主閣門分衛其後天平神護始置近衛府掌  
閣門分衛者掌龍尾道之外會昌門內之衛也

中納言參議散二三位非參議四位等皆任之

佐一人

相當從五位上  
唐名武衛次將

○官位令佐正六位下注延曆十八年兵衛佐  
改從五唐武衛次將唐制武衛中郎將任也次  
位上也各將上紀

權佐一人

五位殿上人中可然之輩任之但英雄強不望

乏即任少將故歟

○英雄者清華之事也閑院中院花山院大炊  
御門等也言英雄者任近衛少將故不望兵衛  
佐也

尉

大相當從六位下  
少相當正七位上

唐名武衛校尉

尉

大相當從六位下

唐名武衛校尉



六位諸大夫并侍任之侍者自當府尉多轉衛

門也諸大夫不必然

○官位令左右兵衛大尉正七位下少尉從七位上

志從八位上少志從八位下與此書反

唐書武衛被尉五人有之志武衛錄事則錄事參軍事任乎又有武衛錄事一人則此任也府生衛史唐書錄事下有史一人是也

志大唐名武衛錄事

非要官仍府官之外強不在之

○非要官者不可要官也衛門志必補廷尉志故規模也常府志不然故府生兵衛之外不望之也兵衛四百人有之此中撰器量為番長兵衛者東官八省院豐樂院兵衛門行夜之役也

惣而騎射賭射等事勸之兵衛常習弓馬也

府生

同前

○萃菴曰昔從諸國奉隨身也撰之法者第一撰大舍人第二撰兵衛第三撰使部其殘者為近衛也蓋近衛者大勢也或六百人也依時代有減省乎故強不撰其人也兵衛使部者人數少又有用利口故撰之○愚按近衛兵衛者今代是輕類也大舍人又舍人者今代步行者也又自諸國所獻役夫者則今代中間類也然而天子之給食也故舍人以下又不可卑也內舍人府生內豎者侍列也

左右馬寮

唐名典廐

頭一人

相當從五位上唐名典廐令

職原錄 卷之十

四位五位中可然之輩任之知察務時尤為重

職

○職負令曰左右馬寮頭一人掌左閑馬調習  
養飼供御乘具配給穀草及飼部戶口各籍專  
助一人大允一人少允一人大屬一人少屬一  
人馬醫二人馬部六十人使部二十人直下二  
人飼丁○愚忱按古東國有御牧甲斐武藏信  
濃上野但自此國每年貢御馬甲斐國六十疋  
武藏國五十疋信野國八十疋上野國五十疋  
者簡繫齒四歲已上可堪用者調良八月貢上  
若不中貢之馬者則充驛傳馬也其路次之林  
藪並牽夫等食料給之此外自駿河相模武藏  
上總下總常陸上野下野周防長門讚岐伊豫  
等國奉年貢馬牛十三國馬合九十五疋牛合  
二十二頭也每年十月以前貢上其飼料冬細  
馬月米三斛六豆二斛中馬下馬各米一斛大

五一斛牛米八合夏細馬日米二斛中馬一  
下馬及牛不須四月以後飼青草十月以後飼  
乾草其諸國所貢每年馬牛多故放攝津近江丹  
波播磨牧野隨入用繫用又諸國驛馬飼料皆  
自天子給之勅使等御用繫者多給之御用少  
者少給之大畧近國之驛馬上馬二百束中馬  
二百五十束下馬二百束其傳馬直者各減五  
十束又中國驛馬上馬三百五十束中馬二百  
五十束下馬二百束中遠國上馬四百束中馬  
三百五十束下馬三百束常陸出羽陸奥等遠  
國上馬五百或六百束中馬五百或四百束下  
馬三百束給之也古者諸國皆有驛三百六十  
町一驛置之天下四方皆如此故天下之中無  
往還之煩也驛者旅宿馬次也又一束畜得米  
五升也此時勅使者持鈴為驛路之驗也近代  
此禮絕

唐典廐唐書曰典廐署令二人從七品下至四  
名人從八品下掌飼馬牛給養雜畜良馬一丁

中馬二丁 駕馬三丁  
乳駒乳犢十給三丁

權頭一人

五位殿上人諸大夫共任之於諸大夫者尤為

清撰之職

助一人

權助一人 相當正六位下  
唐名典廐少令

五位諸大夫任之其撰超于他諸司助也五位

侍任之太備眉目者也

○五位殿上人弘安禮節所謂五位雲客是也  
五位而令昇殿也○諸司者曰諸寮助也諸寮  
助者六位侍任之當助者  
諸大夫任也曰超他助也

允

大少 唐名典廐丞

近代六位侍任之瀧口給官時任允是例也

屬

大少 唐名典廐主事

○古本瀧口下曰永仁年初以瀧口任右馬允  
云始于此時乎 ○唐典廐史此任也主事令

史錄事主  
簿皆同

兵庫寮

唐名武庫署

頭一人

無權頭 相當從五位上  
唐名武庫令

五位諸大夫任之

○職令左右兵庫寮頭一人掌左兵庫儀仗  
兵器安置得所出納曝涼及受事覆奏事助一

職官錄

大允一人少允一人大屬一人少屬一人使部  
 二十人直丁二人○令義解昌恭元年改左右  
 兵庫為兵庫寮也愚曰凡元日及即位建寶幢  
 大極殿南建鳥像幢左日像幢次朱雀旗次青  
 龍旗右月像幢次白虎旗次玄武旗又所所置  
 鼓鉦擊之定群臣出入儀式此外一切旌旗甲  
 冑弓箭箭矛楯之類皆納兵庫當寮主之先閣內  
 大臣者大極殿前東南造幄其傍立鉦鼓閣外  
 大臣入群官時令擊外辨鼓兵庫寮擊之而諸  
 門皆應之但是群官障列定之由為告知也此  
 時開門則常頭進申閣內大臣此時閣內大臣  
 擊喚鼓群官入就位畢殿下擊案御座帳鉦大  
 畧如此儀式也太刀兵具唐武庫後漢書曰武  
 造作一切武器奉行也名庫令一人六百石  
 本注曰主兵器丞一人事文類聚云晉借有武  
 庫令唐武庫令丞各二人掌邦國兵仗器械  
 權相當正六位下  
 唐名武庫少令  
 六位諸大夫任之

允

大少

唐名武庫丞

六位侍任之

屬

大少

唐名武庫主事

○令無權助官位令曰左右兵庫頭從五位上  
 助正六位下大允正七位下少允從七位上大  
 屬從八位上少  
 屬從八位下

外武官

將帥之職古今重之所以分闔外之權也漢書  
 曰馮唐曰王者遺將跪而推轂曰闔以內寡人  
 制之闔以外將軍制之軍功爵賞皆決於外  
 ○將帥者將軍也幾內曰闔內外國曰闔外言  
 闔內天子之權也闔外將軍之權也是古遺將

職官錄

卷之七

七

帥之禮也○前漢書第五十卷馮唐傳曰後問唐曰公何以言吾不能用頗牧也唐對曰臣聞上古王者遣將也跪而推轂曰闕以內寡人制之闕以下將軍制之軍功爵賞皆決於外歸而券之此非空言也云注頗牧廉頗李牧也韋昭曰門中樞為闕轂車胸也見左傳宣四年注

### 大將謂之元帥出左傳

○左傳僖二十七年冬楚子及諸侯圍宋宋公孫固如晉告急先軫曰報施救患取威定霸於是乎在矣狐偃曰楚始得曹而新昏於衛若伐曹衛楚必救之則齊宋免矣於是乎蒐于被廬作三軍謀元帥注中軍帥趙衰曰卻縠可巨室聞其言矣既禮樂而敦詩書詩書義之府也禮樂德之則也德義利之本也夏書曰賦納以言明試以功卑服以庸君其試之乃使卻縠將中軍愚曰卻縠有德義人也故為元帥古之用將之法可取矣元帥三軍統領也

### 其居處謂之幕府漢書注

漢書注

將軍職在征行無常處

### 所在為治故言幕府云

○漢書注詳近衛大將之所也又幕府漢書作莫府索隱曰如淳解莫為大非也崔浩云古者出征為將帥軍還則罷理無常處以幕引為府置故曰莫府則莫當作幕字之誤也愚按漢書並史記李牧傳共作莫府晉灼如淳皆云莫大也顏師古崔浩與云非也莫幕也亦日本古書皆作幕府師古律浩說當理也

又稱將帥云麾下又云戲下漢書師古曰戲謂軍之旌麾也云

○前漢書第四卷高帝紀曰漢王怨羽之背約欲攻之丞相蕭何諫乃止夏四月諸侯罷戲下

各就國云師古曰戲謂軍之旌麾也音詩宜反亦讀曰麾先是諸侯從項羽入關者各帥其軍聽命於羽今既受封爵各使就國故總言罷戲下也周禮曰折羽為旌熊虎為旗勺會大將之旗曰戲虛宜切又摩說文靡旌旗所以指麾也从手靡聲通作麾尚書左傳白旆以麾又真韻火季切以旌旗示之曰麾旌旗所以使入也楚辭註以手教曰麾○愚曰麾者大將使士卒之旌也今代俗曰之正刑本作諸軍非也諸字可並拜又曰座以謬為謂字也點又就以謬今改之矣

又將帥有賜節鉞之制節度者所以示其信也

鉞者所以專刑戮鉞音越

曰不戮下有也

○軍防令曰凡大將出征皆授節力不得反宿於家其家在京者每月一遣內舍人存問若有

疾病者給醫藥凱旋之日奏遣使郊勞云令表

解曰謂凡節者以馬牛尾為之使者所擁也今以刀劍代之故曰節力凱旋者凱樂也軍師之

時獻功之樂也按日本紀景行天皇四十年夏四月東夷多叛秋七月以日本武尊授斧鉞以東征是上古將帥授斧鉞之始乎又桓武天皇延曆七年十二月征東夷以紀朝臣古佐美為征東大將軍詔召昇殿上賜節力因賜勅書曰夫擇日拜將良由論言推轂分閭專任將軍云是後代給節力之例也史記項籍本紀曰韋昭曰節者山國用人節澤國用龍節皆以金為之道路以旌節門關用符節都鄙用管節皆用竹為之節者使者所擁者也示信者持節行符合而令知其信使也○鉞史記周本紀曰武王朝至于商郊牧野乃誓武王左杖黃鉞右秉白旆以麾曰遠矣西土之人孔安國曰鉞以黃金飾斧左手杖鉞示無事於誅右手把旆示有事於教令遠勞苦之也

本朝將帥之任起於神代也其初 天照太神欲

降天孫於豐葦原中國之時遣經津主神又云齊

取神健雷神鹿鳴神令平諸不順者云大物主神

帥八十萬神昇天 天神勅曰宜領八十萬神永

為皇孫奉護乃使還降之云一書曰事代主神八

萬四千鬼類大神將也云

○日本紀曰天神遣經津主神武甕槌神使平定葦原中國時二神曰天有惡神名曰天津彥星亦名天香香背男請先誅此神然後下撥葦原中國是時齊主神號齊之大入此神今在干東國檝取之地也既而二神降到出雲五十田狹之小沢而問大己貴神曰汝將以此國奉天

神邪以不對曰疑汝二神非是吾處來者故不須許也於是經津主神則還昇報告時高皇產靈尊乃還遣二神勅大己貴神曰今者聞汝所言深有其理故更條條而勅之夫汝所治顯露之事宜是吾孫治之汝則可以治神事又汝應往天日隅宮者今當供造即以千尋榜繩結為百八十紐其造宮之制者柱則高木板則廣厚又將由供袖又為汝往來遊海之具高橋浮橋及天鳥船亦將供造又於天安河亦造打橋又供造百八十縫之白橋又當主汝祭祀者天穗日命是也於是大己貴神報曰天神勅教慇懃如此敢不從命乎吾所治顯露事者皇孫當治吾將退治幽事乃薦岐神於二神曰是當代我而奉從也吾將自此避去即躬披瑞之八坂瓊而長隱者矣故經津主神以岐神為卿導周流削平有逆命者即加斬戮飯順者仍加慶義是時飯順之首渠者大物主神及事代主神乃合八十萬神於天高市帥以昇天陳其誠款之至

時高皇產靈尊勅大物主神汝若以國神為妻  
吾猶謂汝有疏心故今以吾女三種津姬配汝  
為妻且領八十万神未為皇孫奉護乃使還降  
之云愚曰經津武甕槌者是日本神代將帥之  
始也○事代主八万四千將之事日本紀舊事  
紀古事紀其外神書不見聞只元元集則載之  
定有出所吾未考事代  
主者大己貴之子也

又云大伴連遠祖天忍日命帥來目部遠祖天穗  
津大來目背負天磐鞞臂著稜威高鞞手提天梶  
弓天羽羽矢及副持八目鳴鏑又帶頭槌劍而立  
天孫之前云云神代之制粗水可見矣至于今代 神  
武天皇東征之日物部氏祖道臣命為軍帥古稱武士

云物部起  
於此云

○日本紀一書曰高皇產靈尊以真床覆衾裹  
天津彥國光彥火瓊瓊杵尊則引開天磐戶排  
分天八重雲以奉降之于時大伴連遠祖天忍  
日命帥來目部遠祖天穗津大來目背負天磐  
鞞臂著稜威高鞞手提天梶弓天羽羽矢及副  
持八目鳴鏑又帶頭槌劍而立天孫之前遊行  
降來到於日向襲之高千穗穗日二上峯天浮  
橋而立於浮渚者在之平地云纂疏曰大伴來目  
皆氏也施章移切槌子木實可染黃和訓槌曰  
波志或云土師氏所造弓土師又訓波志也八  
目者鏑有八竅漢書曰頓胃作鳴鏑是類也頭  
槌者劍首如槌也今隼人所帶之劍有此形天  
羽羽矢言一雙之箭羽羽者一雙之儀也鞞盛  
箭之器鞞射者之衣言臂鞞也俗曰引水手者  
也稜威者可畏之意稱羨之言也○大伴和名止  
母是淳和帝諱以大伴去大字讀者也○神武



東征事日本紀第三載之神日本磐余彥天皇神武事也鷓鴣草背不合尊第四子也母曰玉依姬海童之小女也天皇生而明達意確如也年十五立為太子長而聚日向國吾田邑吾平津媛為妃生手研耳命及年四十五歲謂諸兄及子等曰昔我天神高皇產尊大日靈尊舉此豐葦原瑞穗國而授我天祖彥火瓊瓊杵尊於是瓊瓊杵尊開披雲路駐山蹕以戾止是時運屬鴻荒時鐘草昧故蒙以養正治此西偏皇祖皇考乃神乃聖積慶重輝多歷年所自天祖降跡以逮于今一百七十九萬二千四百七十餘歲而遼邈之地猶未霽於玉澤遂使邑有君村有長各有分疆用相疲蹙柳又聞於鹽土老翁曰東有羨地青山四周其中亦有棄天磐船飛降者余謂彼地必當足以恢弘休業光宅天下蓋六合之中心乎厥飛降者謂是饒速日乎何不就而都之乎諸皇子對曰理實灼然我亦恒以為念宜早行之是年也大歲甲寅其年

冬十月丁巳朔辛酉天皇神武親帥諸皇子舟帥東征春三月入吉備國居高嶋宮三年戊午年春二月到難波之碕三月至河內國草香邑夏四月勒兵步龍田其路峻更欲東踰膽駒山而入中洲時長髓彥會戰皇師不能進天皇曰我是日神子孫而向日征虜此逆天道也進到于紀伊國竈山時夜夢天照太神訓于天皇曰朕今遣鳥宜以為山中導者至曉天有鳥飛降天皇曰是有瑞夢從此鳥可辨迷路是時大伴氏之遠祖日臣命帥大來目督將元我踏山啓行乃尋鳥所向仰視而追之遂達于菟田下縣因號其所至之處曰菟田穿邑于時勅舉日臣命曰汝忠而且勇加能導之切是以改汝名為道臣命云是人代將帥之始有道臣命也菟田下縣者在大和國是神武天皇自日向國入大和國之始也又大日靈者天照太神之別名也

**正**

以道臣命為物部氏非也道臣者大伴氏也又物部氏者饒速日命也

源氏桐葉卷河海云物部氏遠祖天津大呂神代三兵

ヲ取テ天孫天々  
リ玉ヒシ時御前ヲ  
ウケタマハル仍其子  
孫洪ノ物アヨ願  
武勇ノ道ヲカサ  
トル其勇若ヲ物  
ノフト云ヨハセルナリ

崇神天皇十年命四道將軍遣四方云將軍之號

正起於此與其後 景行天皇四十年以皇子日

本武尊為大將軍以武日命武彥命為左右將軍

東征蝦夷古

○日本紀曰崇神天皇十年秋十月詔群卿曰  
導民之本在於教化也今既禮神祇災害皆耗  
然遠荒人等猶不受正朔是未習王化耳其選  
群卿遣于四方令知朕憲九月以大彥命遣北  
陸武渟川別遣東海吉備津彥遣西道丹波道  
主命遣丹波因以詔之曰若有不受教者乃舉  
兵伐之既而共授印綬為將軍是曰四道將軍  
愚曰上篇斧鉞者專刑戮之語其意狹乎斧鉞  
者本撥亂之器也教令不受成賊猶亂民家者  
以斧鉞誅之其奢侈之者以斧鉞校威而正之

飯王化非專刑戮之器周武王左秉黃鉞者所  
以不事於誅戮也今崇神天皇日若有不受教者  
乃舉兵伐之以之上古不專刑戮可見兵者凶  
器也不得止而用之者古今通熟也親房卿治  
世無心狠書專字乎但又後世人為誤乎專字  
可作正字也○日本武尊始名小碓尊亦名日  
本童男又名稚孫根子皇子母楯磨稻日大郎  
姬也四十年夏六月東夷多叛天皇以日本武  
尊授斧鉞則命吉備武彥與太伴武日連令從  
日本武尊亦以七掬照為膳夫冬十月日本武  
尊發路景行十二代帝也日本武者景行之子也  
性勇悍而力勝絕十六而與龍國川上梟帥組  
倒而刺之于時川上梟帥羨其強力奉尊號稱  
日本武尊始名日本童男也川上梟帥名之  
改為日本武則仲哀天皇之父也蝦夷者東夷  
也古以東夷為蝦夷以西夷為熊襲

爾來征行之日命將軍不可勝計我國平定新羅

高麗百濟之後百濟尤納懇款依之彼國置日本府遣鎮守將軍治之云然乃建將軍府之初在此

乎年紀猶可勘入

○按百濟國置日本將軍府事不記之但百濟近國有任那國是崇神天皇時皈依日本之國也此國小微也故三韓常欲拔此國依之任那國置日本府雄略天皇時膳臣班鳩吉備臣小梨難波吉士赤日子等居任那國檢察三韓之非違又欽明天皇時遣津守連詔百濟曰在任那之下韓百濟郡令城主宜附日本府但下韓任那國內也百濟好日本甚厚故為任那加勢出人守護今詔可從日本府由也又同天皇九年冬十月遣二百七十人於百濟助築於得爾辛雖然無置府之事○百濟懇款者新羅高麗者凡自神功皇后以來皆日本及數度百濟厚

日本按神功皇后紀四十九年春二月以荒別鹿我別為將軍則與久氏等共勒兵而度之至卓淳因將襲新羅時或曰兵衆少之不可破新羅更復奉上沙白蓋盧請增軍士即命木羅斤資沙沙奴跪領精兵與沙白蓋盧共遣之集于卓淳擊新羅而破之因以平定比自燦南加羅錄國安羅多羅卓淳加羅七國仍移兵西迴至古奚津屠南蠻汎彌多禮以賜百濟是以百濟王父子盟之曰若數草為坐恐見火燒且取禾為坐恐為水流故居磐石而盟者亦長遠之不朽者也是以自今以後千秋萬歲無絕無窮常稱西蕃春秋朝貢則千熊長彦至于都下厚加禮遇亦副又氏等而送之是懇款之證也詳日本紀○勾倉敷誠也神代卷曰素盞烏尊帥其子五十猛神降到新羅國後取到出雲國鳥上之峯而斬大蛇是時新羅名始出也

百濟國置日本府事非也但任那國置日本府又欽明天皇時安羅國置日本府河內直

居之也其後止之又任那日本府欽明二十三年止之又鎮守將軍之名其後代之事也皆共相違詳于上

聖武天皇御宇陸奧國置鎮守府初任將軍遣之若是本朝置軍府之初歟

○見諸國鎮守府下

征夷征東等臨時置之不聞有其府也

○國有賊兵則置征夷國平則止之又府者常有之者也不論治不治言征夷征東者臨其時置之常不置之後代源賴朝以來常有此官也至今奉稱將軍家者是也

鎮守府

將軍一人

相當從五位上唐名鎮東將軍

日本无存字

古來尤為重寄非武略之器者不當其仁仍代代稱將軍者鎮守府將也中古以來為陸奧守者多兼鎮府不可必然事歟守者宜擇吏幹之才將者須用藩鎮之器故也又昔並置府國依恐于地廣而在邊要也以信夫郡以南租稅充國府之公廩以蒞田以此稻穀充鎮府之兵糧云見格

○吏幹者能成治之國守也藩鎮白氏文集勅薛從父平守吾藩鎮能以忠力珍冠是也並置府國者鎮守府與陸奧守也信夫蒞田陸奧國郡名也○租稅者租者田賦也稅謂年貢也古

年貢法先中由一段出四十束祖奮一束有五  
升四十束者貳石也初種者自地頭給之曰之  
正統是公私通法也此外一段貳束貳把奉之  
天子曰之租公廩者有公廩田者用諸修理等  
一切雜物入用其外國守以下祿俸曰之公廩  
也國府者國守鎮將以下俸祿也格者弘仁格  
也兵糧  
食料也

又邊要之中以陸奧為最仍此國昔置五千入兵  
也是皆可屬鎮府乎建武三年勅三位以上為當  
府將軍者可加大字者云是依國司請奏被下  
宣旨也將軍相當五位也三位已上位高職下依  
之申加大字而已

○置五十人兵事未考三代實錄元慶三年比  
陸奧國有軍事此時鎮守府軍勢兵一千六百  
五上七人大毅一人小毅三人主張三人校尉  
二十人旅帥四十人火長六十人列士八十八人  
鎮兵六百五十人秋田城校尉七人旅帥十六  
人火長二十四人列士三百三人鎮四百五十  
人加兵士三百五十人雄勝城校尉六人旅帥  
八人火長十六人列士二百二十人鎮兵二百  
人加兵士二百五十人出羽國大毅一人小毅  
三人主張三人校尉七人旅帥十六人火長二  
十人列士三百五十七人兵士四百人此外將  
軍城主國守等大將有之但此時陸奧國有兵  
事賊徒蜂起故加增兵士者也都五千餘兵也  
親房卿取此儀乎但是非定例○建武三年後  
醍醐重祚之年號也神皇正統記曰九十五代  
後醍醐天皇此天皇之御代加反掌天下一統  
同年冬十月先有可靜陸奧國詔以參議右近  
中將源顯家卿為陸奧守御自合書旗銘賜種

種兵器為鎮守府將軍奉皇子下向與州其後有高氏之亂因茲陸奧守鎮守將軍顯家卿聞此亂奉先親王率陸奧出羽軍兵責上于時高氏等二月十三日落行西國畢而親王元服直叙三品為陸奧太守此國太守始也○三位已上指顯家顯家者北畠親房子也加大字者為大將軍也

副將軍二人

中古以來不在之

軍監

相當正七位下

唐名兵曹參軍事

軍曹

相當從八位上  
唐名上鎮錄事

堪武勇之士可補此職歟近代於軍曹者公卿給之時間申之無其謂事也

○鎮守將軍事唐鎮東將軍事愚按通典有出千諸國之下唐鎮將軍鎮東將軍後漢未魏武帝為之鎮南將軍後漢未劉表為之鎮西將軍後漢劉表為之鎮北將軍魏明帝太和中置後魏加大字唐無之東晉置鎮東將軍有倉曹參軍各一人兵曹參軍各二人錄事參軍各一人又唐世有上鎮將一人正六品下鎮副二人正七品下倉曹參軍事兵曹參軍事各一人從八品下中鎮將一人正七品上鎮副一人從七品上兵曹參軍事一人正九品下下鎮將一人正七品下鎮副一人從七品下兵曹參軍事一人從九品下每鎮又有使一人副使一人又有上鎮錄事一人史一人中鎮錄事一人今准唐制鎮守將軍唐名上鎮將副將軍副鎮軍監兵曹參軍事軍曹上鎮錄事可然也

儀仗二人

儀仗

儀仗

儀仗

擇重代武士補之將軍判授之官也凡廉仗者

陸奧守同給二人按察使給四人云

○廉仗者其職似史生也唐客可為上鎮史

### 征夷使

大將軍一人

○軍防令曰凡將帥出征兵滿一万人以上將軍一人副將軍二人軍監二人軍曹四人錄事四人五千人以上者減副將軍軍監各一人錄事二人三千以上減軍曹二人各為一軍每惣三軍大將軍一人令義解曰三軍官者大將軍一人將軍三人副將軍四人軍監四人軍曹十人錄事八人○異朝將軍始者史記曰義帝以宗義為上將軍老子曰君子用兵則貴右是以

偏將軍處左上將軍處右是春秋有上將軍又大將軍者劉劭爵制以謂秦十八爵大庶長即大將軍也楚懷王與秦戰秦虜其大將軍屈平是也項羽時范增稱大將軍漢遂置大將軍至煬帝於諸衛悉置又將軍始者周禮天子六軍軍萬二千五百人其將皆命卿也蓋在國稱大夫在軍稱將軍○愚按唐有兵馬元帥掌征罰兵罷則省今征夷將軍之任也

征夷者始於日本武尊每有兵事遣將帥也粗見

舊記未置鎮守已往東征人或為按察使或為鎮

守將軍文屋綿丸以來有征夷將軍之號云

○日本武尊始征伐熊襲其後征東夷景行天皇授斧鉞是征夷之始也但有兵事則置之無則省之又征夷將軍之名文屋綿丸始也其以前謂之鎮守將軍事詳上篇○文屋綿丸按神

皇正統紀 平城天皇禪位於大弟差我天皇以  
平城皇子高里親王為皇太子太上天皇寵愛  
尚待藥子藥子弟參議仲成竊謀進太上天皇  
終為亂于時平城天皇以文屋綿丸為征夷將  
軍平城軍敗誅仲成等以皇太子高里令洛師出  
家為空海弟子曰之真如親王也愚曰日本將  
軍之始者崇神天皇時命四道將軍是也未名  
征夷至文屋綿丸始有此名

愚按於鎮府者已有鎮將依之重遣將帥之日臨

時加征夷號歟坂上田村丸者稱征東將軍

○鎮府鎮守府也言陸奧國者邊要而大國也  
強賊及數度故置鎮守府將軍副將等常居之  
罰過賞功也又其國強賊蜂起鎮守將軍等軍  
兵不足則別遣征夷將軍也○田村丸忠親水  
鏡曰平城天皇四年位讓大弟太上天皇移于  
平城舊都寵尚侍藤原藥子藥子兄參議古兵

日本紀畧延曆十  
年七月壬申延  
下大伴弟大呂  
延夷大使十三  
月乙亥朔賜延  
大將軍弟大呂  
刀 大伴 又  
同十六年十月丙戌  
從四位下坂上大宿  
稱田村丸為征夷  
大將軍云云公補  
任作十月廿日

扶桑畧記系圖  
仲舒作忠舒字  
合六代孫

衛督仲成等勸太上天皇為亂以田村磨利仁  
命為大將軍以襲平城平城軍破則出家藥子  
仲成伏誅又或說曰以田村丸利仁為征東將  
軍追討鈴鹿山之賊徒也今潛按歷代相武天  
皇延曆三年二月從三位大伴宿禰家持為持  
節征東將軍從五位下文屋真人與企為副將  
軍外從五位下入間宿禰廣成外從五位下阿  
倍嶋臣黑純並為軍監是征東將軍始也平城  
五十一代帝也差我五十二代帝也桓武者五  
十代也

平將門叛亂時參議右衛門督藤原忠文朝臣任

征東大將軍其弟仲舒源經基為副將軍發向

○續本朝文粹曰朱雀院御宇兼平二年平將  
門在總州相馬郡招集東關士民等叛攻破伯父  
常陸大掾國香振或於東關于時天慶三年正  
月國香子平貞盛依藤太秀卿藤原忠文等榮



勅命為征伐使而赴將門居城屢戰遂誅伐  
將門秀卿得其首神皇正統記曰六十一代朱  
雀天皇外舅左大臣忠平攝政此御時平將門  
者上總介高望孫也令仕執政家望使  
不許將門懷恨下向關東叛逆先攻伯父常陸  
大掾國香國香自殺振威坂東住居下總國相  
馬郡為都自稱平親王成與官爵因茲天下騷  
動參議民部卿惡右衛門督藤原忠文朝臣為  
征東將軍源經基六孫王是也藤原仲舒忠文  
弟也為副將軍遣將門城平貞盛國香子也藤  
原秀卿等一心誅將門奉其首因之諸將自路  
飯京都將門義平五年二月起事天慶三年二  
月滅亡其間六年又藤純友同意將門有西  
國而叛逆遣少將小野好古追討天慶四年殺  
之東鑑曰忠文未到以前義平三年二月二十  
四日為藤原秀卿被誅之間忠文自途中歸洛  
三月九日秀卿貞盛等被行賞之處忠文同可  
蒙其賞之由就申之小野宮殿申云賞疑不行

其後征夷號久以中絕源義仲朝臣京上暫執兵  
權之日任征夷將軍云

次九條殿被申云下着以前逆徒雖令滅亡隨  
勅定之切何被弃指哉刑疑不行賞疑聽也  
然先意見無其沙汰忠文喜恩言進富家領券  
契狀於九條殿訖至卒逝之期奉怨小野宮殿  
○東鑑曰壽永三年正月十日伊與守義仲兼  
征夷大將軍云粗勘先規於鎮守府者坂上中  
興以後至藤原範季安元二年三月也雖及七  
十度至征夷使者僅為兩度乎所謂桓武天皇  
御宇延曆十六年丁丑十一月五日被補按察  
使兼陸奥守坂上田村磨卿朱雀院御宇天慶  
三年庚子正月十八日被補參議右衛門督藤  
原忠文朝臣等也爾以降皇家二十二代歲曆  
二百四十五年絕而不補此職之處今始例於  
三輩可謂希代朝恩歟治承六年七月二十日

卒年三十一石田次郎誅戮之春宮帶刀長義賢男也

其後又權大納言右近大將源賴朝卿辭兩職歸

東國之後有勅被任征夷大將軍

○東史曰源賴朝者義朝三男母散位藤原季範女熟田大官司也平治元年十二月依父義朝之亂為平清盛欲被戮于時池禪克強請之故以賴朝配伊豆國也其後清盛振威天下罔王位故治美四年四月九日高倉官平家追討令旨賜伊豆國賴朝家同年四月二十七日到着伊豆國北條館御使八條院藏人行家所持參也是平家追討令旨之始也同八月十七日誅山木判官兼隆是平家追討始也同十九日兼隆親戚史大夫知親在當國蒲屋厨張行非法令惱亂士民故給停止之下知邦通為奉行是關東施行之始也同二十日出伊豆國令趣

于相模國土肥鄉二十三日寅剋相卒北條隆父子盛長茂光實平以下三百騎陣于相模石橋山給同國住人大庭三郎景親以下三千餘騎戰武衛但武衛賴朝事也逃攝山中景親追之發矢石之處飯田五郎家義乍相交景親陣中為奉遁武衛引分我眾六騎戰于景親以此隙令入摺山此時侯御供土肥次郎實平一人也而後令趣箱根又至安房國九月三日自安房國平里郡欲趣上給介廣常家路及昏黑故止宿民屋于時當國住人長狹六郎常伴欲奉襲之三浦義澄來而敗北之而自路次渡安田三郎景益家九月十九日至武藏國隅田河邊于時上總介廣常率二万騎參旅館于時京都聞此義平察愈義而下討手大將軍小松權亮少將維盛副將軍薩摩守忠度侍大將上總守忠清也以三万騎九月十八日立福原同二十四日卯剋於富士川可有源平矢合之由定之二十三日之夜半有富士沼水鳥等驚立其羽

音如凱歌平家大懼悉敗北十月二十一日與  
州九郎義經始來御旅館催懷舊之淚云建久  
元年十月三日二品依上洛進發鎌倉但先是  
叙從二位給十一月七日御入洛則九日被  
院宣云依勳功賞所被任權大納言也度度雖  
被仰遣依令謙退迪于今無其沙汰而忽有上  
洛於今者不可有異儀云兼又可聽勅授之由  
同被宣下畢此狀到着六波羅賴朝則申御  
辭狀畢十一月二十二日大納言家可被任大  
將之由院宣到來二十四日入夜被行除目其  
書曰右近衛大將源賴朝幕下之外無任人云  
十二月三日右大將家令上兩職辭狀納營不  
裏之右少將保家為使頭中將請取之十四日  
令下向關東今日京都御立二十九日着鎌倉  
建久三年七月二十日大理飛脚參着去十二  
日任征夷大將軍給之由告之二十五日勅使  
廳官肥後介中原景良同康定等參着鎌倉所  
持參征夷大將軍除書也於鶴置八幡官三浦

爾來連綿賴家朝臣自少將之時兼之

介義澄請取之四年五月八日將軍家為覽  
士野藍澤夏狩人人赴駿河國是卷狩也六年  
三月東大寺供養將軍家上洛同九年相模川  
橋供養重成法師奉行之將軍家渡御給之處  
有不廬之殃災重成死將軍及還路有御落馬  
卧病十年正月十二日薨逝也自治兼四至正  
和元治二十年齡五十三歲又一條冬良曰賴  
朝兩職辭狀之後補諸國惣追捕使  
○按東史曰賴家者賴朝嫡子壽永元年八月  
十二日誕生母北條時政女號二位尼或號平  
政子治兼六年十月十七日自產所出營中給  
文治四年七月十日万壽公七歲始令着御用  
正治元年二月嗣賴朝世跡同六日轉左中將  
給正治二年正月五日叙從四位上同八日聽  
禁色建仁二年正月二十三日令叙正三位同  
年七月二十二日叙從三位補征夷大將軍給

云建仁三年九月九日亥刻令落飾給御病惱之上治家門事无危之故尼御臺所依被計御不意如此建仁三年九月二十九日令下向伊豆國修禪寺也四年七月十九日於修禪寺薨給也時年三十二自正和元至建久三年治五年也中將時兼征夷將軍也

### 又實朝公自兵衛佐之時至大臣兼之

○實朝者賴朝次男賴家同母弟也建久三年八月九日誕生字千幡君建仁三年九月十五日嗣賴家世而為關東長者七日被下從五位下位記并征夷大將軍宣旨其狀今日到著于鎌倉十月八日將軍家年十二御元服於遠州名越亭有其儀十月二十四日任右兵衛佐元久二年正月五日令叙正五位下九月三日藤兵衛尉朝親自京都下着持參新古今和歌集是通具有家定家家隆雅經等蒙勅作賴朝誅敵入此中云云美元三年五月二十六日令任

右中將建曆二年十二月十一日叙從二位建保四年六月二十日在中納言七月二十七日令兼左近中將建保六年六月二十七日將軍家在右將御之間為御拜賀參鶴岳宮給十二月二日令任右大臣七年正月二十七日為右大臣拜賀鶴岳宮酉剋社參賴家子善哉號公曉為鶴岳別當弟子有于此社則拔木刀梟實朝蓋社參以前有禁忌和歌曰以天天以南被奴支奈幾屋登止南梨奴登母能幾半乃無妻與半留奈和須禮曹凡治十七年薨年二十八歲

### 彼流斷絕之後藤原賴經卿下向元服已後即任

之

○賴經者左大臣道家公息母公經卿女建保六年正月十六日生也歲二歲而下向關東是故前右大將後室禪尼重將軍舊好之故為繼其後嗣依申請之去月三日有下向之由宜

下義久元年閏二月十九日午，勅入鎌倉。同十二月一日，若君著袴。嘉祿二年正月二十七日，源賴經任征夷大將軍。寬喜三年二月五日，令叙從四位下。少將如元。三月二十五日，將軍家令轉右近中將。四年二月二十七日，叙從三位。天福二年十二月二十一日，令叙正三位。彼月被辭中納言。文曆二年十月八日，令任陸奥出羽按察使。十九日，叙從二位。喜禎四年正月二十八日，御上洛。二月十七日，入洛。三月七日，令任權大納言。四月十八日，令辭權大納言。七月十六日，令蒙本座。宣旨，二十日任大臣。十月十四日，飯洛。十一月二十九日，著鎌倉。寬元四年七月十一日，入道。大納言家賴經也。飯洛。治十八年，自安亭元年至寬元二年三十九歲也。鈔云：賴經者，就母方與賴朝親屬也。九條道家十二男，母西園寺公經女也。神皇正統記曰：九條攝政道家大臣者，自賴朝時續外戚。有其好故下其子於關東，為將軍。按增鏡曰：能保地方。

者賴朝兄弟也。其娘為公經地方及其娘。為光明峯寺道家地方而生將軍賴經也。

### 其子賴嗣卿又任之

○賴嗣者，賴經嫡子也。母內大臣家長女也。延應元年十一月二十一日辰，剋誕生。寬元二年四月二十一日，元服也。時年六歲。或曰：母中納言親能卿娘大宮局。各字賴嗣。四月二十八日，蒙征夷大將軍宣旨，任右近衛少將。令叙從五位上。建長三年七月四日，令叙三品。文永三年七月二十日，入洛。治八年，自寬元三至建長四十八歲也。

### 中務卿宗尊親王下向以後四代親主任之

○四代者，宗尊親王。惟康親王。父明親王。守邦親王也。○宗尊者，後嘉我院第一皇子。御母八雅后。平朝臣棟子藏人。勘解次官棟基女。正月八日於仙洞御首服加冠之後，令叙三品。三月十

九日下向關東建長四年四月朔日被任征夷大將軍治十五年自建長四至文永三〇惟康親王者宗尊子也文永二年七月二十八日誕生明年被任征夷大將軍治二十四年自文永三至正應二〇久明親王後深草皇子正應元年十二月被任征夷將軍治二十年自正應二至延慶元〇守邦親王久明之子延慶元年被任征夷將軍治二十五年自延慶二至元弘三以自上治義四年至元弘三年百五十四年也

### 元弘一統之初兵部卿護良親王暫任之

○護良者後醍醐院第四皇子號大塔宮是也神皇正統記載之後於鎌倉為賊人弑之紹運錄曰護良親王兵部卿後醍醐第六皇子妙法院門主尊雲法親王還俗於關東誅號大塔宮天台座主還俗任征夷將軍母民部卿二位大納言師親女〇元弘一統者元弘二年平高時

### 其後上野太守成良親王令兼之給

自殺其外諸國皆一時滅亡而為天皇之代凡賴朝之代時政至高時百五十四年之間為武家之代而當此時天下  
一統而為帝王之代也  
○紹運錄曰成良者後醍醐院第四皇子成良親王上野太守征夷將軍建武三年十一月十四日神皇正統記曰十二月左馬頭源直義朝臣相模守兼任而下向奉供四品上野太守成良親王此親王後暫兼征夷大將軍給直義者高氏弟也建武二年秋比高時類起謀反入鎌倉直義引成良親王令遁參河國兵部卿護良親王有事望鎌倉直義不誘引令失之主上其後以成良親王為東宮同十二月出都召其補正成一族而入芳野給

### 建武三年二月被止其號畢

○建武三年后醍醐在芳野故曰被止將軍號但其後曆應元年光明院代也源尊氏任征夷將軍後光嚴延久三尊氏薨義詮任征夷將軍貞治六義詮薨義滿任征夷大將軍應安元也義時義量義教義勝義政義尚義高義村義晴木文年義輝末祿年義昭天正年豐臣秀吉慶長相國公皆征夷將軍相續至于今代不絕為天下一人將軍者也

凡賴朝卿補之後依重征夷之任不並任鎮府元弘以來被並任畢建久以來未任副將軍於軍監軍曹者時時請任云

○鎮府鎮守府將軍也言上古皆陸奧有鎮守將軍賴朝任征夷以後為天下一人故不置鎮守府也元弘以來建武三年以源顯家卿任鎮守大將軍○建久以來者賴朝以來者不任征夷

副將軍以下官但軍監軍曹者公卿給之時因請乞給之令召仕也請奏請任者有故致訴訟申請也○愚按上古者人樸而教令行而天下皈依慕古聖風化其冠服正而明上下職位直而分序次諸國立學校以教其孝悌忠信之道舉其秀英以正其職進孝子廉直以賜官田民起孝直天子晝夜不放冠着周冠手執堯舜書大臣行政則先民事國守治懲勸之政與群臣宴則聞大雅小雅大唐樂三韓樂其儀式皆漢周漢唐之禮有四道儒勸上古中華之政勤仁德仁賢成務應神等之善政以准之此時也詠和歌則為教誨之端為後世之法至其後代也其政不正大臣不思民事棄國學秀英空老不撰孝子廉直厚賦歛野有餓草弃雅樂以用猿樂田樂傀儡歌舞妓白拍子遊女傾城上流辟而詠和歌者為戀慕之媒大夫好色買笑於千金多欲而民大奢不知孝悌之教天子大欲而願二世安樂故營大佛大鐘等之類不知民勞

因茲帝道日衰國中大亂清盛掌天下又不  
民事淫亂奢矯無禮讓無罪而殺人遷天子罪  
三公自號太政大臣子孫或親屬忽任公卿以  
其力為皇后此時雖有爭子小於不用故親屬  
皆做清盛之風奢侈日重因茲一代而滅亡一  
門皆入西海波賴朝治天下此時也不似清盛  
有禮以貴天子撫御家人哀士卒常出仕時大夫  
者著烏帽子狩衣侍等又著烏帽子布衣因茲  
其弊正而不放將上古之餘裔相殘上下自分  
其服不復其官不放曠雖然性愚而多欲也建  
大佛殿等之大廈勞國民用梶原等之讒臣殺  
無罪者殺勳弟軌賴義經其外殺忠臣幾千人  
也依此報也實朝滅賴家公曉純實朝是天理  
之當然者也賴繼時北條康時等執天下柄有  
魚有禮有信貴文學禮群臣而知民事亦式目  
條平万人之計武家之後代之龜鑑也自是數  
代北條如有禮立所所文庫殘書後代至高時  
執權其性放將無道不知民事日飽奢矯行

傑因茲百五十年北條一門如雲霞者一時滅  
亡而高氏出矣其性寬仁大度民多懷不卑天  
子不慢攝關有細川賴行等良臣出撫群臣治  
內亂因茲子孫相續任三公將軍日之公方家  
後代武家式法禮儀皆出于此時凡二百三十  
餘年天下傳此家此時也薄賦歛治民事開墾  
田者皆給其民國富未知道正武家之禮信長  
起尾州與甲州信玄爭天下此二人者亂世英  
雄治世奸賊也追及殺子無罪而暴他國猥殺  
士卒群臣無禮舍入怨不貴王公故二人共不  
久大閤秀吉者尾州農天子也領天下勇悍勝  
人倫天下邊要一時皈順終費國資造兵船至  
筑紫渡軍勢於朝鮮朝鮮皈順至于今不絕言  
獻使雖然勇猛如虎不知其治國終養子關白  
濫諸侯妻女日日飽放將因茲一代而滅亡豐  
臣家多下民間當代大祖相國公其性有忠義  
小教合戰者非忠義哉能待其時信長薨時已  
領關八州居東海道而知命未至故服大閤是



非待時者哉已領天下慕上古之政召博士等以聞其善政永治國安家慕子孫長久之道繼君又嚴然廉直也思古法修禮儀是天運循環之時也於此時還上古之政誠可足焉○或問軍監軍曹請任如何曰昔諸國有兵事遣征夷大將軍副將軍軍監軍曹令征討也自賴朝以來諸國有兵事遣御家人征之無遣征夷之法因茲賴朝常永補征夷大將軍也副將軍以下官皆止之但軍監軍曹公卿年給時有申任乏也是實非知征夷兵事只有名無實而任之令召仕而已

親王

皇子立親王是為恒規雖襁褓童體被蒙宣旨也元服之時叙品當代后服親王者三品自餘

者四品云

○親王始者未詳按推古天皇五年有此名祖始此御宇乎其後連續載之天子伯叔兄弟子有親王宣下未宣下者曰之諸王襁褓小兒衣也廣八寸長八尺襁者小兒被也是索隱正義說也又藤定家記錄曰襁褓長五尺弘二幅華鳥餘情曰親王自一品至四品曰之存品當五品者不謂五品曰無品也童體之時給親王宣下則無品也又曰定家襁褓者御浴襁也本朝曰之襁褓也○繼嗣令曰凡皇兄弟皇子皆為親王女帝子亦同○童體親王古例三代實錄曰貞觀十八年十一月二十五日皇子貞真年一歲貞顯年一歲並為親王○異朝例前漢皇子封國曰之王周末又如此漢或曰諸侯王蔡邕獨斷曰漢景帝懲七國之亂遂令諸侯王不得治民令內史治之武帝又令諸王得推恩封子弟為列侯後漢皇子封王魏制王庶子為

卿公嗣王庶子為卿侯晉亦有王公侯伯子男  
六等之封隋始做陳制九等後唯留王公侯王  
等皇伯叔昆弟皇子是為親王唐因之親王號  
始千階也○元服或曰首服是皇子始着冠之  
儀也○親王曰品諸王諸臣皆曰位公式令曰  
凡應叙親王四品諸王五位云是也

或又後日叙品皆有例童體及無品親王者無任

### 官之例

○後日者元服時叙品三四品也其元服以後  
依其人可叙二品二品儀勿論也任官者八省  
卿彈正尹或納言以上也童體無品不可任官  
○一說元服時不叙品後日令叙品又有例不  
限一  
樣矣

又無給姓之人更為親王者不改本位乃為品但

### 不分正從者也

○假令諸王四位之人未給源氏而任親王者  
為四品親王不改始位不分正四位從四位為  
四品者也○親王給姓始者弘仁五年五月八  
日嵯峨皇子信給源姓又親王給姓皆源氏也

### 皇孫親王非常之儀也

○萃庵曰謂以諸主為親王○按式部式凡改  
姓為臣之徒五世以上同叙正六位上七世以  
上美嬪叙正六位下自餘同庶人因茲二世三  
世人為親王事甚無其謂事也皇孫謂二三世  
也

然而近來及數輩畢忠房親王為二世源氏被蒙  
宣旨世以為未曾有但一向為後宇多院御

猶子云

○紹運錄曰忠房親王者順德院第二子曰忠成王忠成王第四子曰源彥仁彥仁子曰忠房親王輝正尹賜源姓任中納言中將文保三年二十八無品親王宣下母關白良實公女○三世源氏者帝王皇子曰一世孫曰二世魯孫曰三世猶子則養子禮記兄弟之子猶子也故以姪曰猶子今忠房非後宇多院姪但論語曰子曰回也視之猶父也予不得視猶子也

如此事不足為例凡親王者其次在大臣之上而其禮等同也

○忠房者後宇多猶子不可例弘安禮節路頭逢親王禮大臣共扣車僮僕互下馬大臣前驅以下列居車傍親王前驅步行過之親王車過畢大臣僮僕騎馬進行若親王車後來者大臣

儀制禮云凡左廳座上見親王及太政大臣下坐左右大臣當司長官即動坐美解云左右大臣見親王及太政大臣即動坐其太政大臣見親王及親王見太政大臣並不動

對親王車立之自餘同輩准之又令義解曰右大臣見諸王及太政大臣即動坐其太政大臣見親王及親王見太政大臣並不動也續日本紀曰天平寶字二年勅朕以餘閑歷覽前史皆降親王之禮在三公之下是以別預議政者月料馬料春秋季祿夏冬衣服等其一品二品准御史大夫三品四品准中納言給之○按唐制魏徵曰諸王位次三公又王珪曰三品以上道遇親王不可降乘○愚曰於席親王居三公之上書位署時又同書札禮同等也又異朝例依時代高下不定

至殊禮者可依時宜當代親王及治世上皇御子貴重不可混餘事也

○親王有輕重當代后朕親王又治世上皇之皇子親王是為重母卑皇子親王之子等為輕

曰之殊禮○治世上皇者菊亭右府大臣善禮  
曰是現在上皇也上皇現在其子貴上皇崩則  
其子威  
券也

公卿

攝政關白及三公是公也散一位及三位已上  
是卿也

○散一位者是叙一位人或辭其官或雖有官  
卑官則曰散一位凡大中納言參議預太政官  
政故曰之卿又雖官卑叙三位以上人者皆卿  
也

參議者雖四位猶卿也但召名猶稱四位也

○參議相當四位也其官高又預太政官政故  
曰卿四位之卿者參議之外無之○鈔云天子

啓參議時  
稱四位

諸王

雖一世二世未為親王未給姓者皆諸王也叙  
位以後無王卿之差別守位次者也

○天子之子曰一世孫曰二世也凡皇子又兄  
弟孫等不為親王宜下人又曰之諸王選叙令  
曰親王之子不限有品無品皆叙從四位下又  
諸王以下皆曰位不曰品無王卿差別者假令  
諸王叙正四下者參議同等也但居座則著其  
位次第也○續日本紀曰貞觀十二年二月二  
十日諸王當時預祿者四百二十九人○按公  
式令義解親王者初授五位以上也○異朝天  
子子弟曰諸王自上古如此隋始是為親王曰  
本親王子又孫曰諸王凡皇子漢初貴之封國

有太傅丞相御史大夫及諸卿皆秩二千石百官皆如朝廷國家至景帝時吳楚七國特其國大遂以作亂幾危漢室及其誅滅景帝懲之降諸王官職事見後漢百官志

諸臣

四位以下初位已上惣云諸臣也公卿諸臣中

又分別之者有四等

○按公式令官位令一位以下初位以上人除諸王而皆曰之諸臣今此書分公卿諸臣故以三位以上為公卿四位以下為諸臣也又令條無公卿諸臣別凡以曰親諸王臣也見官位令又有四等者一人公建諸大夫侍也曰之四等

先

一人者

當時兩流也法性寺入道關白後尊近衛九條是也

○法性寺攝政大臣忠道也閑院大臣冬嗣十二代孫也父者攝政關白忠實母右大臣顯房女也世號法性寺殿忠通之五代孫攝政關白大政大臣兼經是近衛流也父家實攝政關白也正元元五四薨五十歲是後深草實治元攝政也又說曰忠通子基實基實子基通曰之近衛流皆攝政關白也○忠通第九子曰攝政關白兼實是九條始祖也世號後法性寺殿

近衛流又分為二

○近衛祖兼經之弟曰攝政關白兼平是鷹司祖也

### 九條流又分成三

○九條祖兼實兼實之子良經良經之子攝政關白道家道家第八子攝政關白良實是二條始祖也世號普光園院又道家第十一子攝政關白實經是一條始祖也○愚曰兼實後鳥羽文治攝政二條良實龜山攝政一條實經若後宇多時人也

雖其一族不被遂先途者諸大臣家不可有差別又雖未遂先途被受其家督之人優怒無異儀又父被見在之時者雖末子猶如其禮云

○先途者菊亭右府大臣書禮曰攝政者以關白為先途清華者以一上為先途也言雖攝政家未為關白者與清華名家大臣同也雖然攝家嫡子者雖同官可思捨○菊亭右府大臣書

禮曰關白不拜任之也臣者與他家大臣同禮也可用等同之禮被受家督人者其身雖未自終可為關白人也其可存其禮曰之優怒也其又以前殊禮意思也又父關白現在則雖末子益其禮也○優怒優賞之儀怒推已之謂家督史記越世家曰家有長子曰家督

### 公達者

三家等華族也稱三家者中院具平親王子孫源氏也本云土

御門流雅定大臣以後有中院號

○材上天皇御子具平親王子師房其子六條左大臣顯房其子久我大政大臣雅實號法蓮寺其子中院右大臣雅定其子久我內大臣雅通其子土御門內大臣通親其子後久我大政大臣通光其子右大將通忠其子後久我內大臣通基其子中院大政大臣通雄其子後中院

太政大臣長通其子千種太政大臣通相其子  
又我太政大臣具通

閑院九條右大臣師輔公十一男公季大臣子孫  
也彼大臣號閑院太政大臣當時雖為三流

惣云  
閑院

○三流者三條西園寺德大寺也公季六代日  
太政大臣實行是三條祖也實行之弟大納言  
通季是西園寺祖也通季之弟左大將實能是  
德大寺祖也此三流惣曰閑院○今代今出川  
者西園寺之流菊亭右大臣兼季之後也故今  
曰之菊亭師輔冬嗣五代也

華山院京極關白息家忠大臣稱華山院右大臣  
仍其子孫云華山院也

○左大臣家忠者京極攝政師實公二男世號  
華山院是華山院之祖也家忠自冬嗣也

此外大炊御門流家忠大臣弟經實大納言子孫  
也雖別流世存華山院一家之

由

○大炊御門經實權大納言正三冊儀濃守基  
貞友贈大政大臣正一位大炊御門祖也○西  
三條正親町四辻滋野  
河齋以上閑院流也

以此三流為華族公達也但當時雖皇子皇孫賜  
姓昇大臣大將若執柄息中雖不遂先途令相續  
將相者即又清華勿論事歟

○此三流之外皇子皇孫或執柄家昇將相人  
是又清華也將相大臣大將也○唐太宗曰朕  
為人主常兼  
行將相之事

近代依無其人三家類成英雄之思者也將又雖

不至將相經歷近衛次將昇納言以上家家又公達之列也於不放將輩有隨分皆稱雄乎

○近衛次將者中將事也凡昇進之差法近代之例攝家清華者自中將至參議自參議至納言名家以下者自藏人至辨官自辨官至參議自參議至納言也至于今代歷中將之家皆清華之列也雖三家之外家家代代歷中將昇納言人曰之英雄也

諸大夫者

六條修理大夫顯季餘流此號四條

○清宗左日顯季卿子孫家明卿始任羽林平家明者家成卿三男保延十年十二位中將顯賴卿中納言其三男成親卿任侍從少將藏人頭等任參議兼中其男良教卿自羽林貫

首為宰相中將又隆房卿永萬二年六月任少將也○四條祖魚名也自魚名十代六條修理大夫正三位顯季父春宮大進隆經母大舍人頭親國女白河院時人  
隆房大納言初任近衛將以來昇進多如公達之家

○隆房初自少將次第而至納言凡清華歷近衛名家歷辨官也而此修理大夫家代代歷近衛故如公達家也○隆房者顯季五代正二位大納言隆房父正二位權大納言隆季母從三位忠隆女

又稱名家者大藏卿為房餘胤有兩流號勸修寺

葉室

三代實錄久觀十三年二月三戊從三位春澄朝臣善繼傳曰昔者為文章博士皆諸博士母各名家更以相狂長短在口之弟子異門互有分爭云云古者儒門名家卜稱狀



○參議大藏卿為房者勸修寺祖良門九代也  
父曰左中辨隆方母右衛門佐行親女也但為  
房嫡子為隆是勸修寺也為隆之弟權大納言  
顯隆是葉室也

參議有國子孫又有兩流號大福寺日野儒門也

○日野祖參議真夏者右大臣內磨之子也自  
真夏七代參議有國有國第五子右大辨資業  
是日野也大福寺或說曰有國第二子曰參議  
廣業是大福寺也

中納言親宗子孫平氏等也

○親宗者平大納言時忠合弟也○此外今代  
廣橋鳥丸柳原其露寺万里小路中御門山科  
等皆名  
家也

經歷侍中辨官昇大中納言多執院中權故振威

勢頗有鷹揚之思歟然而累代為執柄家家司職

事不遁名家之號此外南家式家菅家之儒

○院中權者院執事之事也又關白家令日家  
司職事又關白家藏人也○南家者左大臣武  
智磨之後胤也式家者參議守合之後也菅家  
者天總目命十四世孫日野見宿禰此後胤遠  
江介土師宿禰古人散位土師宿禰道長改土  
師姓為菅原姓是菅原姓始祖也桓武時人也  
江家者貞觀八年右衛門督音人始賜大江姓  
謂江相公是也大江菅家一家也菅家今高辻  
也○鷹揚四角文集曰方太公釣於渭不遇文  
王特一老漁父耳及一朝用之乃有鷹揚之勇  
云

或昇進或沉淪然而登用之時准名家被召仕流

例也又源平兩家武士中源氏者賴義義家後胤

○名家人雖昇納言以上可謂名家納言也○  
多田滿仲三世將軍仲豫守賴義賴義二男鎮  
守府將  
軍義家

平家者正盛忠盛等餘流於今者斷絕

○葛原親王九代平正盛于時右衛門尉也其  
子刑部卿忠盛○或問不載相國清盛者何哉  
曰朝敵也闕官廢張之人不可記謂也○至町  
者雖源氏可為公達之列數代昇大臣家也則  
源高氏  
後也

自古諸大夫一列也或又候執柄及諸大臣家輩  
六位時補侍中五位已後參院上北面刺聽院內

昇殿家家不可勝計加之上官外記醫陰伊勢齋  
等諸大夫一列也且正本系且隨行狀有其沙汰  
事也

○或問當代三納言者又可謂諸大夫列乎曰  
昔源氏多由滿仲以來代代任五位無公卿人  
故曰之諸大夫列賴朝以來任將相是謂公  
達○侍中關白大臣家禮人補藏人也是曰諸  
大夫事上北面昇殿下北面不昇殿但白河院  
時始置北面又齋主可作祭主行狀文選曰良  
曰述其德行之狀也本系系圖也勘其種姓撰  
其才德可看其沙汰也一槩不可論矣院內者  
院與禁中也官外記者太政官大外記也行狀  
本系尤用人之要

凡公達諸大夫之號起於執柄事也云執柄一門

及可然人人子孫謂之公達縱雖累代家禮之人  
不失其名號歟

○公達家禮或曰關白家別當諸大夫任之也  
家禮任其家職也不失名號者雖為家禮本一  
家也故不失公達之名也執柄謂關白也公達  
家不為關白家禮常也若雖為家禮可稱公達  
也家

諸大夫者正補彼家司職事列家僕輩之後胤也

云云

○諸大夫中又可有高下名家者大畧有淡海  
公之後多分者代代執柄家禮之家也家僕謂  
別當執事辨  
侍中職類也

侍者

此欽所稱五位六位侍頗不古體歟但准近  
日之俗所號之也弘安之比被定書札禮之時  
被書五位六位下北面畢

○書札禮者有一卷曰弘安禮節下北面院侍  
也白河院時始置北面禁中瀧口東宮帶刀皆  
侍官也

又公家稱諸司官人是也凡稱侍者親王大臣以  
下諸家恪勤之名也此中賞譜第賤放埒事古來  
之儀也

○公家者大臣家也官人者院家官人廳官事也諸司官人候關白大臣大將家侍所人也同政所下家司侍官也恪勤恪字彙竟各切恭也謹也諸大臣大將家侍人數不定皆日夜勤番侍所別當者則其統領也

諸大夫之家者不仕諸大夫仍世會之名家殊撰

仕重代侍

○會世者謂名家人登庸昇納言等也重代種姓不放牌又有才智人也

抑至武士者昔無不屬源平兩家其子孫皆稱譜

第鎌倉右大將向右大臣昇將相之後諸大夫後

胤或新加之輩雖立本秩自列昇進重代武士強

不存差別云兩家元諸大夫也其時已入肩成一

列之好故歟

○武士源平之侍也非六府武官儀凡武士皆源平家禮或親屬也數代仕源家人曰源家譜第仕平家曰平家譜第譜與會世系曰譜又籍錄也右大將賴朝右大臣實朝也諸大夫後胤源平親屬或數代入諸大夫列家也新加零落侍或農價有器量武勇治亂勝戰功人請高秩封郡縣入鷹揚而今昇進家也漢樊噲韓信類也日本成將軍代以來此例多不可欺也本秩品秩也言侍人至高官雖成諸大夫不道其侍之號也兩家源平也源平者本諸大夫也源氏清和天皇皇子貞純親王其子經基鎮守將軍其子滿仲正四下鎮守將軍其四男賴信征夷將軍其嫡男伊豫守賴義將軍其二男義家鎮守將軍其四男為義從四位下其第一男義朝

左馬頭其三男賴朝右大將也如此代代任將軍或四位不至公卿故曰之諸大夫雖然賴朝領天下以來子孫歷近衛次將昇納言以上是又異上古者也又新田者八幡大郎義家將軍三男式部大夫其嫡男義重大炊助從五位下是新田祖也是又諸大夫也高氏者數世號公方家是不可謂諸大夫當御家新田義重後也中雖零落中興而領天下數代被任三公是又不可謂諸大夫也如此事不知故實人不可分辨也凡官位之本職也職之本治國家也此故古者為養民置其主有民憂主共憂民喜主又喜為之主職有此職而後有官以定其服有位以定高下今將軍家治天下民是至貴者也何論其先祖哉若今行王道以天下飯三王之世助萬民者則是天子也漢高祖自豐沛立為天子治秦暴舉賢治民四百年之間奉稱皇帝是可歎哉今日本者神國也天皇則天照大神後攝家又天兒屋根命後也歷代至尊又可恭敬

者也因茲代代將軍自為臣以拜官位此間可了簡也又諸大名領一國人者則諸侯列也不可謂待也其外一郡伯城主以上假令雖新加之人治郡縣之任是伯子男之類也又不可欺也○兩家源平也言賴朝以後諸第侍等付驥尾為諸大夫一列也

官位昇進事彼此各可因准先例不應任雅意者也此外本所侍品或列諸道或傳一藝之輩種類繁多不遑羅縷矣

○雅意字彙雅素也不替舊章之意也本所若諸司侍也非源平侍之事故曰此外羅縷書紙之儀

或儒問予曰日本帝王法似無其王道上詠和歌遙管絃大臣又官位傳其家以風流為旨不

知所以治民或稱攝家清華家諸大夫家不知  
舉賢良如此以何治國家哉予答曰是皆後代  
帝道衰微後事也上古非如此者夫和歌者本  
周南召南大雅小雅等詩因茲詩有六義和歌  
又詠風賦比興雅頌儀上古和歌皆詠君臣有  
義夫婦有別父子有親朋友信交萬民德化者  
也夫自神武天皇都大和國代代有和歌皆如  
斯蓋此時人撰質王不習行王道臣不受行臣  
道萬民不知所以其安綏靖安寧懿德孝照孝  
安孝靈孝元開化皆無事自然而天下治凡五  
百六十餘年之間者君不知其恩民不知其澤  
是非至德何如此乎自崇神以下至宣化天皇  
真謹重神祇以聖經賢傳教萬民辨國郡縣邑  
境置萬民凡六百三十年百姓豐饒自欽明以  
後至村上天皇四百五十年者王道榮盛官位  
當其任國有學校准唐虞三代漢唐制以治其  
政治其禮治其官甚有文明而有先民事者  
自聖武以下文明過而無實官室衣服八珍盡

義不思民苦而上古遺風賦欽薄民有所安自  
冷泉院以後王道漸廢君臣非其任不知民事  
詠戀慕之和歌滛管絃雖有賢良臣不知舉用  
雖邪佞應已心登將相天治帝無道而亂天下  
保元帝不恭而兄弟相戰大臣惡左府奢矯進  
亂武臣無道殺父殺兄弟如桀紂世那須野狐  
御殿鴆皆帝道滅亡之兆也平清盛領天下又  
無道天下民如燬日月墮地欲此日何亡自此  
以後上不知養民下不知敬君攝關皆詠和歌  
為戀慕謀自攝攝政家必任其職自稱清華家  
昇將相於此時雖堯舜獲生不得及之正攝政  
家清華諸大夫家之名起于此時事也上古善  
政何有定其家哉上古依賢舉陋非如今餘言  
者

職原鈔下卷終

或人請聞官位昇進之次第欲傳口實可似臆

說欲貽手澤有斯來者予從出俗塵已移十年之寒暑

○臆說史記叙未詳則闕弗敢臆說正義曰有未詳之處則闕而不論不敢以胸臆之中而妄解說也○口實口決皆以言傳之也臆說無證據義手澤小學曰父沒而不能讀父書手澤存焉注手澤汗之所漬也出俗塵者親房卿元德三年出家號宗玄曆應三年作此書其間十一年也

况在逆旅不蓄一卷之文書每事荒忽恰如蒙籠

○此時從後醍醐在吉野故曰逆旅左傳杜預曰逆旅客舍也書言故事曰客店曰逆旅荒忽猶恍忽言欲書記還至忘失故典欲勘之有逆旅無書籍也蒙籠文選蒙籠向壁言不明也不

也

上章執徐之春夾鐘候豫之日強而染翰聊以終

卷見引餘習不顧後嘲耳

○上章爾雅上章庚歲陰也歷術甲子篇作商橫執徐正義曰辰歲陰也夾鐘律書曰二月律中夾鐘候預自二月節當二十八九卅日曰豫曆應三庚辰歲二月下旬作此書也又餘習言習流俗之謬不覺而招後朝也

此兩卷中多定種姓頗乖舊記定招後難歎然而鈔出之本意為示于初心也且家家之勝劣人人存知只任道理不加今案柳歷名次第親王公卿

旧本以此条为首  
或人請耳官位云云  
次之或下无人字  
恰似作恰如

諸王諸臣也今又以一人公達諸大夫等分別之也

○種姓定家家勝劣義也事物紀原曰國王大臣各有種姓是也





